

**Sulisunik avataaneersunik atorfinitsitsiniarnernut qinnuteqaatit kommunenit suliarineqartillugit, qinnuteqaatit kommuneni suliffissaqartitsiniarnermut ataatsimiititaliani tusarniaassutigineqartalernissaat qulakkeerniarlugu UKA 2012-imi Naalakkersuisut maleruagassioqqullugit Inatsisartut aalajangiiffigisassaattut siunnersuut. Ataatsimiititaliat qanoq katitigaassanersut aammalu sulinerat pillugu Naalakkersuisut aamma maleruagassalioqquneqarput.**

(Inuit Ataqatigiit Inatsisartuni ilaasortai)

**pillugu**

**Inuussutissarsionermut Ataatsimiititaliap**

**ISUMALIUTISSIISUTAA**

**Siunnersuutip aappassaaneerneqarnerani saqqummiunneqartoq**

Inatsisartunut ilaasortaq Naaja Nathanielsen, Inuit Ataqatigiit, siulittaasoq  
Inatsisartunut ilaasortaq Andreas Uldum, Demokraatit, siulittaasup tullia  
Inatsisartunut ilaasortaq Kim Kielsen, Siumut  
Inatsisartunut ilaasortaq Akitsinnguaq Olsen, Siumut  
Inatsisartunut ilaasortaq Karl Lyberth, Siumut  
Inatsisartunut ilaasortaq Knud Fleischer, Kattusseqatigiit Partiiat  
Inatsisartunut ilaasortaq Aqqaluaq B. Egede, Inuit Ataqatigiit  
Inatsisartunut ilaasortaq Karl Lyberth, Siumut  
Inatsisartunut ilaasortaq Sivert K. Heilmann, Atassut (sinniisoq)

### **1. Siunnersuutip Inatsisartuni siullermeerneqarnera**

UPA/2012-imi siullermeerinninnerup kingorna siunnersuut Inatsisartunit innersuunneqartoq Inuussutissarsionermut Ataatsimiititaliap misissuataarpaa matumuunalu isumaliutersuutini Inatsisartunut saqqummiullugit. Aalajangiiffigisassatut siunnersuutip suliarineqarnera kinguartinneqarnikuuvoq, tamatumani ilaatigut aalajangiiffigisassatut siunnersuummut kommunit isummersuutaat Naalakkersuisut pissarsiarerusussimammagigit. Tusarniaaneq tamanna maanna naammassineqareerpoq isumaliutissiissummilu matumani attuumassuteqartut ilanngunneqarlutik. Tusarniaassut isumaliutissiissuummut uunga aammattaaq ilanngunneqarpoq.

## 2. Siunnersuutip imarisaa siunertaalu

Siunnersuuteqartup aalajangiiffigisassatut siunnersuutikkut nunatsinni kommunit suliffissaqartitsiniarnermut ataatsimiititalianik pilersitsinissaannik Naalackersuisut maleruagassioqqullugit peqquneqarnissaat kissaatigaa. Ataatsimiititaliat taakkua avataaniit sulisussarsiortarnermut atatillugu kommunit qinnuteqaammik suliarinninnerannut peqataatinneqarlutillu tusarniaavigineqartassapput. Siunnersuutip tunuliaqutarisaa paasinarpoq, tassalu kommunit suliffissaqartitsiniarnermut ataatsimiititalianik pilersitsinissaannik peqqussuteqarnikkut nunaqavissut amerlanerusut sulisorineqartalernissaannut siuarsaataasinnaanera.

## 3. Aalajangiiffigisassatut siunnersuutip Naalackersuisunit tusarniutitiginneqarnera

Aalajangiiffigisassatut siunnersuut soqutigisaqaqatigiinnut makkuusunut tusarniutigineqarpoq:

Aningaasaqarnermut Naalackersuisoqarfik, Nunamut Namminermet, Pinngortitamut Avatangiisinullu Naalackersuisoqarfik, KANUKOKA, kommunit, SIK, kiisalu NUSUKA.

Kommune Kujallermiit, Kommuneqarfik Sermersuummiit kiisalu SIK-miit tusarniaatitsinermet akissuteqaatinik tigusaqartoqartoq.

Ataatsimiititaliap oqaatigisinnaavaa, siunnersuut Kalaallit Nunaanni Sulisitsisut Kattuffiannut tusarniutigineqarsimanngimmat, tamannalu ataatsimiititaliap tunngaviatigut ajuusaarnartuusora, tassami siunnersuut akuerineqassagaluarpat aammattaaq tamanna malunnaatilimmik annertuutigut inuussutissarsiuteqartunut kinguneqaratarsinnaammat.

### **Sermersuup kommunia**

*" Nunap avataaneersunik sulisunik atorfinitsitsiniarnermut imaluunniit suliaqartitsinermet qinnuteqaannik suliaqarnermet atatillugu immikkut ittumik Suliffissaqartitsiniarnermet Ataatsimiititaliornissamik siunnersuut kommunip tapersersorsinnaanngikkaa Kommuneqarfik Sermersuup nalunaarutigaa. Maannakkut ataatsimiititaliaqarnerup iluserisaani immikkoortortamik aqutsisoqarneq pioreersoq tamakkiisumik isumannaassuseqartumik pineranik tamanna tunngavilerneqarpoq. Taamatutaaq kommunimi politikerinut suli nukinginnarluinnarnerusunik suliassaqartoq kommune isumaqarpoq, taamaalillunilu siunnersuut najoqqutaralugu immikkut ittumik ataatsimiititaliorniarneq politikerit piffissarisannik pitsaanngitsumik pingaarnersuisoqassalluni. Naggasiutigalugu kommunit iluminni politikkikkut aaqqissuussinerannut Namminersorlutik Oqartussat immikkut ittumik inatsisiliornikkut, aammalu kommunit aqutsinermet inatsisaat avaqqullugu akulerunniarnerat kommunip akuerisinnaanagu Kommuneqarfik Sermersuup erseqqissaatigaa. "*

(Takuuk Naalackersuisut nalunaarussiaat ilanngussaq)

**Kommuneqarfik Kujalleq**

*" Taamatutaaq Kommune Kujalliup siunnersuut itigartippaa, ullumikkut kommunit tamanna pisariaqartillugu missiliuutigissappassuk immikkut ittunik ataatsimiititaliortoqarsinnaareersoq innersuutigalugu. Avataaneersunik sulisunik qinnuteqaatinik isumaginninnissamik suliassap isumaginissaanut immikkut ataatsimiititalioqqinnissamik pisariaqartitsisoqanngitsoq Kommune Kujalleq isumaqarpoq. Kommune Kujallermi suliassaq Inuussutissarsiornermut Suliffeqarnermullu Ataatsimiititaliap ataaniippoq, ataatsimiititalioqqittoqassappallu allaffissornermi tamanna annertunerusumik suliasseseqqiiginnassaaq."*

(Takuuk Naalakkersuisut nalunaarusiaat ilanngussaq)

**SIK**

*" Qulaani pineqartutut ataatsimiititaliap makkuninnga ilaasortaqaarnissaata SIK-p kissaatigiuarsimagaa SIK tusarniaanermut akissummini nalunaarutigaa: Kommunimit sinniisuutitat, SIK-mi najugaqarfimmi immikkoortortaqaarfianit sinniisq, Kalaallit Nunaanni Sulisitsisut Kattuffiata najugaqarfimmi immikkoortortaqaarfianit sinniisq, kiisalu illoqarfimmi suliffissuaqassappata Royal Greenlandimit sinniisuutitaasinnaasoq. Ataatsimiititaliaq taakkuninnga ilaasortaqaartinneqassappat najugaqavissutut sulisartuusut suliffeqarfissatut neqerooruteqarfiginissaasa isumannaarnissaat SIK-p qularutiginnilaa."*

(Takuuk Naalakkersuisut nalunaarusiaat ilanngussaq)

**Inuussutissarsiornermut Ataatsimiititaliap oqaaseqaatai**

Aallarniutigalugu ataatsimiititaliap oqaatigisinnaavaa, kommunit marluk, Naalakkersuisut tusarniaassutaannut akissuteqartut siunnersuutip piviusunngortinnissaanut akerliummata, kommunit marluullutik siunnersuut pisariaqanngitsutut isigimmassuk. Akerlianilli siunnersuutip piviusunngortinneqarnissaa SIK-p tapersersorpaa. Inuussutissarsiornermullu Ataatsimiititaliaq tunngaviatigut isumaqarpoq suliassaqarfimmut tassunga maleruagassaliorneq, kommunip kiisalu SIK-p akornanni taama ersaritsigisumik isumaqatigiinngissuteqartoqartillugu aatsaat mianersortumik taamaatut maleruagassatigut nalimmassaasoqartariaqartoq.

**3.1 Tusarniaatitsineq pillugu naggisiineq**

Ataatsimiititaliap paasivaa, Naalakkersuisut tusarniaatitsinerminnut ilaliullugu aalajangiiffigisassatut siunnersuummut allanik isummersuuteqarnissaminnut imaluunniit aalajangersimasumik isummernissaminnut pissutissaqarsimanngitsut.

#### 4. Ataatsimiititaliap siunnersuummik suliarinninna

Ataatsimiititaliap oqaatigisariaqarpaa, siunnersuut kommuninit taakkunannga marluusunit tusarniaanermut akissuteqarsimasunit tapersernartinneqanngitsoq. Tusarniaanermut akissutigineqartunit atuarneqarsinnaavoq, kommunini ataatsimiititalianik pilersitsisoqarsimasoq, ullumikkut suliamik tamatuminnga siunnersuuteqartut kommuninut isumagisassanngortinniagaannik ingerlatsisuusunik. Naalackersuisut nalunaarusiaannit erserpoq, tassalu kommunit tamarnik ataatsimiititaliorsimasut, avataaniit sulisoqarnermut sulianut tunngatillugu isumaginnittuusunik.

- o Qaasuitsup Kommunia:  
Inuussutissarsiornermut, Aatsitassaqaarnermut Takornariaqaarnermullu Ataatsimiititaliaq
- o Qeqqata Kommunia:  
Inuussutissarsiornermut Suliffeqaarnermullu Ataatsimiititaliaq
- o Kommuneqarfik Sermersooq:  
Atugarissaarnermut Suliffeqarfimmullu Ataatsimiititaq
- o Kommune Kujalleq:  
Inuussutissarsiornermut Suliffeqaarnermullu Ataatsimiititaliaq

Aalajangiiffigisassatut siunnersuut saqqummiunneqartoq, najukkami suliffeqaarnermut tunngasut ilaannut maleruagassaliornissamik siunertaqaraluarpalluunniit, tamanna kommunit nammineersinnaanerannik kalluaasussaavoq. Tassami siunnersuummi Naalackersuisut peqquneqarmata ataatsimiititaliami sulinissamat kommunit politikikkut aqqissuussaanerminni naleqqussarnissaannik pisussaaffiliisumik maleruagassiussasut.

Inuussutissarsiornermut Ataatsimiititaliap mattutivissinnaanngilaa, siunnersuut piviusunngortissappat Kommunini aqutsisoqarneq pillugu Inatsisartut inatsisaanni nr. 22, 18. november 2010-meersumi § 26-ip aamma § 31-ip allanngortinneqarnissaata pisariaqalersinnaanerat. § 26 aamma § 31 naapertorlugit kommunalbestyrelsi piginnaatinneqarpoq:

*"§ 26. Kommunalbestyrelsi aammattaaq ataatsimiititalianik ataavartunik pilersitsisinnaavoq, taakkualu katitigaanissaat suliassaallu aqutsineranut ileqqoreqqusami aalajangersarneqassaaq."*  
(Takuuk Naalackersuisut nalunaarusiaat ilanngusaaq)

Aamma

*”§ 31. Ataatsimiititalianut, isumalioqatigiissitanut, siulersuisunut taamaaqataannullu kommunalbestyrelsip aalajangersakkat allat naapertorlugit sinniisoqarfigisassaanut ilaasortassat kommunalbestyrelsip qinissavai. Imm. 2. Ataatsimiititalianut il.il. ilaasortassanik qinersineq ataatsimiititalianut ataavartunut qinersinerup kingorna ingerlanneqartassaaq. Qinersineq piffissamut kommunalbestyrelsip qinigaaffianut atuutissaaq. Imm. 3. Aammattaaq kommunalbestyrelsi ataatsimiititalianik immikkut ittunik pilersitsisinnaavoq suliasat aalajangersimasut isumagineqarnissaannut imaluunniit kommunalbestyrelsimut, aningaasaqarnermut ataatsimiititaliamut imaluunniit ataatsimiititalianut ataavartunut siunnersuisartussanik. Kommunalbestyrelsip aalajangissavai ataatsimiititaliat immikkut ittut katitigaanissaat taakkulu sulinissaat pillugit maleruagassat aalajangersassallugit. Imm. 4. Kommunalbestyrelsi aalajangersinnaavoq kommunalbestyrelsimut ilaasortaangitsunik toqqaassalluni tamanna inatsimmi allami immikkut ittunik periarfissatut akuerineqarsimappat, aammalu suliasat allat kommunalbestyrelsip akuersineratigut suliareqquneqartut.”*  
(Takuuk Naalakkersuisut nalunaarussiaat ilanngussaq)

Maleruagassanut qulaani pineqartunut atatillugu Naalakkersuisut tamatumuuna imaattumik isummersuuteqarput:

*”Taamaalillutik Inatsisartut inatsisaat nr. 27, 30. oktober 1992-imeersoq najoqqutaralugu nunap avataanit sulisunik atorfinitsitsinissamut imaluunniit suliaqartitsinissamut akuersissuteqarnissamik qinnuteqaatit suliarineranni ataatsimiititaliamut, aningaasaqarnermut ataatsimiititaliamut aamma kommunalbestyrelsimut ikorfartuisussamik avataanit ilaasortalimmik immikkut ittunik kommunalbestyrelsit ataatsimiititaliornissaannut Inatsisartut aamma/imaluunniit Naalakkersuisut inassuteqarsinnaapput.”*  
(Takuuk Naalakkersuisut nalunaarussiaat ilanngussaq)

Ataatsimiititaliap ilimagaa, qulaani issuakkami Naalakkersuisut tunngaviatigut imatut isumaqartut, Naalakkersuisut aamma/imaluunniit Inatsisartut annerpaamik imaluunniit taamaallaat kommunalbestyrelsinut innersuussuteqarsinnaasut, tassami inatsisip oqaasertaani allassimamat, kommunalstyrelsi kisimi kommuninut tunngassuteqartunik isumaginittussamik ataatsimiititalialiorsinnaasoq.

#### **4.1 Eqikkaaneq**

Siusinnerusumi oqaatigineqartutuut, kommunit taamatut ataatsimiititaliortarnerisa maleruagassaliorfigineqarnissaat mianersuuttariaqarpoq. Tamatumani kommunit siunnersuummi siunertarineqartumut akerliunerat pisariaqanngitsutullu isumaqarnerat isiginiarlugu.

**5. Siunnersuutip aningaasatigut kingunerisinnaasai**

Siunnersuuteqartup siunnersuutimini oqaatigaa, ataatsimut isigalugu siunnersuut piviusunngortinneqarpat aningaasaqarnermut pitsaasumik tamatuma kinguneqarnissaa naatsorsuutigineqarsinnaasoq. Ataatsimiititaliaq isumaqarpoq, siunnersuutip pitsaasumik kinguneqarnissaa kisimi siumugaaq naatsorsuutigineqarsinnaanngitsoq, tassami kommunimut allaffissornerup saniatigut suliffissaqartitsiniarnermut ataatsimiititaliamut allatseqarneq suliaqutaalersussaassammat. Aammattaaq oqaatigineqarpoq, siunnersuut najukkami sulisitsisunut aningaasartuutikillisaataassasoq, tassami sulisitsisut avataaniit sulisussarsiortarnerminni aningaasartuutikinnerulernerannik siunnersuut kinguneqassammat. Takorloorneqarsinnaavoq, sulisussat atorfissaqartinneqartut pisariaqartinneqartunik piginnaasallit pigineqarpata taava aningaasatigut iluaqutissarsiviginissaa malunnaataalissasoq. Akerlianilli sulisitsisunut avataaniit sulisussarsiortariaqartunut suliamik suliarinninnerup sivisunerulerneranik siunnersuut kinguneqarsinnaavoq.

**6. Ataatsimiititaliap innersuussutaa**

Ataatsimiititaliap isumaqatigiittup siunnersuutip itigartinneqarnissaa innersuussutigaa.

1. november 2012

UKA/2012/57

UPA/2012/57

Taama oqaaseqarluni isumaliutissiisummilu allassimasunut paasinnilluni ataatsimiititaliap siunnersuut aappassaaniigassanngortippaa.

\_\_\_\_\_  
,Siulittaasoq

for ~~in Peter Heit~~

24. september 2012

UKA 2012/57

UPA 2012/57

Inuussutissarsiornermut Suliffeqarnermullu Naalakkersuisoqarfik  
Departementet for Erhverv og Arbejdsmarked

NAALAKKERSUISUT  
GOVERNMENT OF GREENLAND



**Sulisunik avataaneersunik atorfinitsitsiniarnernut qinnuteqaatit kommunenit suliarineqartillugit, qinnuteqaatit kommuneni suliffissaqartitsiniarnermut ataatsimiititaliani pilersinneqartussani tusarniaassutigineqartalernissaat qulakkeerniarlugu Naalakkersuisut maleruagassioqqullugit Inatsisartuni IA-mit ilaasortaasunit siunnersuummut tunngatillugu nassuiaat.**

Aggusti 2012

---

UKA 2012/57

UPA 2012/57

ISN – Sagsnr.: 2012-073320



**IMARISAI**

**1. Aallaqqaasiut.....03**

**2. Nassuiatip imarisai .....03**

**3. Tusarniaanermi illua'tungerisat inassutaat .....04**

## 1. Aallaqqaasiut

Inatsisartuni Inuit Ataqatigiit ilaasortaannit siunnersuut imm. 57 UPA2012-imi Inatsisartut oqaluuseraa, sulisunik avataaneersunik atorfinitsitsiniarnermut qinnuteqaatinik imaluunniit suliaqartitsinernik suliamik isumaginninnermut atatillugu kommunit Suliffissaqartitsiniarnermut ataatsimiititalioqqusaanissaannik nassataqassaaq. Siunnersuutip siullermeernerani Naalakkersuisut inassutigaa aappasaanneernissaa UKA2012-imut kinguartinneqassasoq, immikkoortumullu nassuiaasiortoqassasoq.

## 2. Nassuiaat

Immikkoortortami inatsisinik atuuttuusunik allanngortitsinissamik siunnersuut nassataqarpoq. Taamaattumik naatumik maannakkut inatsisitigut tunngaviusoq uteqqinneqassaaq: Kommunini aqutsisoqarneq Inatsisartut inatsisaat nr. 22, 18. november 2010-meersukkut isumannaagavoq.

Inatsimmi qulaani pineqartumi kommunit IA-p siunnersuutaani kissaatigisaasutut ataatsimiititaliamik ataavartumik isumaginnissinnaasumik pilersitsinissaannut tunngavissisoqarpoq. Tassaavoq inatsimmi § 26:

”§ 26. Kommunalbestyrelsi aammattaaq ataatsimiititalianik ataavartunik pilersitsinnaavoq, taakkualu katitigaanissaat sullassaallu aqutsinermut ileqqoreqqusami aalajangersarneqassaaq. *Imm. 2.* Ataatsimiititaliani ataavartuni ilaasortat kommunalbestyrelsimi ilaasortat akornanniit qinerneqartassapput aamma akunnattumik amerlassuseqassallutik, kommunalbestyrelsillu ilaasortaasa affaanit amerlanerusinnaanatik. Ataatsimiititaliani ataavartuni ilaasortanut tamanut sinniisussamik qinersisoqartassaaq, taakkualu ilaasortaasup najuussinnaannginnerani ataatsimiititaliami ataatsimeeqataasinnaanngorlugit ataatsimiigiaqquneqartassapput. *Imm. 3.* Ataatsimiititalianut ataavartunut ilaasortassanik qinersineq aningaasaqarnermut ataatsimiititaliamik qinersereernerup kingorna ingerlanneqartassaaq. Qinigaaneq kommunalbestyrelsip piffissamut qinigaaffianut atuuppoq.”

Taamatut tunngavissiiinikkut kommunit maannakkut ataatsimiititaliat tullianiittut, nunap avataanit sulisut pillugit isumaginnittartut pilersissimavaat:

- o Qaasuitsup Kommunია:
- Inuussutissarsiornermut, Aatsifassaqarnermut Takornariaqarnermullu Ataatsimiititaliaq
- o Qeqqata Kommunია:
- Inuussutissarsiornermut Suliffeqarnermullu Ataatsimiititaliaq
- o Kommuneqarfik Sermersooq:
- Atugarissaarnermut Suliffeqarfimmullu Ataatsimiititaliaq
- o Kommune Kujalleq:
- Inuussutissarsiornermut Suliffeqarnermullu Ataatsimiititaliaq

Ataatsimiititaliat taakku kommunalbestyrelsini ilaasortanit inuttaqarput.

Kommunalbestyrelsi aamma Inatsisartut inatsisaat nr. 22, 18. november 2010-meersumi § 31, imm. 3 najoqqutaralugu makkuninnga periarfissaqarpoq:

”§ 31. Ataatsimiititalianut, isumalioqatigiissitanut, siulersuisunut taamaaqataannullu kommunalbestyrelsip aalajangersakkat allat naapertorlugit sinniisoqarfigisassaanut ilaasortassat kommunalbestyrelsip qinissavai.

*Imm. 2.* Ataatsimiititalianut il.il. ilaasortassanik qinersineq ataatsimiititalianut ataavartunut qinersinerup kingorna ingerlanneqartassaaq. Qinersineq piffissamut kommunalbestyrelsip qinigaaffianut atuutissaaq.

*Imm. 3.* Aammattaaq kommunalbestyrelsi ataatsimiititalianik immikkut ittunik pilersitsisinnaavoq suliassat aalajangersimasut isumagineqarnissaannut imaluunniit kommunalbestyrelsimut, aningaasaqarnermut ataatsimiititaliamut imaluunniit ataatsimiititalianut ataavartunut siunnersuisartussanik. Kommunalbestyrelsip aalajangissavai ataatsimiititaliat immikkut ittut katitigaanissaat taakkulu sulinissaat pillugit maleruagassat aalajangersassallugit.

*Imm. 4.* Kommunalbestyrelsi aalajangersinnaavoq kommunalbestyrelsimut ilaasortaangitsunik toqqaassalluni tamanna inatsimmi allami immikkut ittunik periarfissatut akuerineqarsimappat, aammalu suliassat allat kommunalbestyrelsip akuersineratigut suliareqquneqartut.”

Taamaalillutik Inatsisartut inatsisaat nr. 27, 30. oktober 1992-imeersoq najoqqutaralugu nunap avataanit sulisunik atorfinitsitsinissamut imaluunniit suliqartitsinissamut akuersissuteqarnissamik qinnuteqaatit sularineranni ataatsimiititaliamut, aningaasaqarnermut ataatsimiititaliamut aamma kommunalbestyrelsimut ikorfartuisussamik avataanit ilaasortalimmik immikkut ittunik kommunalbestyrelsit ataatsimiititaliornissaannut Inatsisartut aamma/imaluunniit Naalakkersuisut inassuteqarsinnaapput.

### **Tusarniaaneq**

Nassuiaat Aningaasaqarnermut Naalakkersuisoqarfimmi, Nunamut namminermt, Pinngortitamut Avatangiisinullu Naalakkersuisoqarfimmi, KANUKOKA-mi, kommunini, SIK-mi NUSUKA-milu tusarniaassutaasimavoq.

Tusarniaanermut akissutit Kommune Kujallermit, Kommuneqarfik Sermersuumit aamma SIK-mit takkupput.

Nunap avataaneersunik sulisunik atorfinitsitsiniarnermut imaluunniit suliqartitsinermt qinnuteqaanik suliqarnermt atatillugu immikkut ittunik Suliffissaqartitsiniarnermt Ataatsimiititaliornissamik siunnersuut kommunip tapersersorsinnaangikkaa Kommuneqarfik Sermersuup nalunaarutigaa. Maannakkut ataatsimiititaliaqarnerup iluserisaani immikkoortortamik aqutsisoqarnek pioreersoq tamakkiisumik isumannaassuseqartumik pineranik tamanna tunngavilerneqarpoq. Taamatutaaq kommunimi politikernut suli nukinginnarluinnarnerusunik suliassaartoq kommune isumaqarpoq, taamaalillunilu siunnersuut najoqqutaralugu immikkut ittunik ataatsimiititaliorniarneq politikernit piffissarisaannik pitsaanngitsumik pingaarnersuisoqassalluni. Naggasiutigalugu kommunit iluminni poliitikkikkut aaqquissuussinerannut Namminersorlutik Oqartussat immikkut ittunik inatsisiliornekkut, aammalu kommunit aqutsinermt inatsisaat avaqqullugu akulerunniarnerat kommunip akuerisinnaanagu Kommuneqarfik Sermersuup erseqqissaatigaa.

Taamatutaaq Kommune Kujalliup siunnersuut itigartippaa, ullumikkut kommunit tamanna pisariaqartillugu missiliutigissappassuk immikkut ittunik ataatsimiititaliortoqarsinnaareersoq innersuutigalugu. Avataaneersunik sulisunik qinnuteqaatinik isumaginninnissamik suliassap isumaginissaanut immikkut ataatsimiititalioqqinnissamik pisariaqartitsisoqanngitsaq Kommune Kujalleq isumaqarpoq. Kommune Kujallermit suliassaq Inuussutissarsiornermut Suliffeqarnermullu

Ataatsimiititaliap ataaniippoq, ataatsimiititalioqqittoqassappallu allaffissornermi tamanna annertunerusumik suliasseeqqiiginnassaaq.

Qulaani pineqartutut ataatsimiititaliap makkuninnga ilaasortaqaarnissaata SIK-p kissaatigiuarsimagaa SIK tusarniaanermut akissummini nalunaarutigaa: Kommunimit sinniisuutitat, SIK-mi najugaqarfimmi immikkoortortaqaarfianit sinniisoq, Kalaallit Nunaanni Sulisitsisut Kattuffiata najugaqarfimmi immikkoortortaqaarfianit sinniisoq, kiisalu illoqarfimmi suliffissuaqassappata Royal Greenlandimit sinniisuutitaasinnaasoq. Ataatsimiititaliaq taakkuninnga ilaasortaqaartinneqassappat najugaqavissutut sulisartuusut suliffeqarfissatut neqerooruteqarfiginissaasa isumannaarnissaat SIK-p qularutiginnilaa.